

太上濟度章赦卷下

官九

太上濟度章赦卷下

官九

赦

玉清大赦

開度黃籙用

泰玄都省

牒豐都九幽主者億萬冥曹

敕門下天地之大德曰生仁涵三極日月之

容光必照恩浹九幽睠庶類之流形均一元  
之稟氣六塵六識陽源易汨於化機萬死萬  
生陰域遂蒙於業網冥冥罪性慘慘窮魂雖  
黔黎之妄垢自貽而玄元之真慈曲憫今據  
法師銜奏為齋意伏候敕旨事牒三天門下

敕陳詞激切頒旨允俞依金籙白簡之文敷  
玉匱明真之典普令夜壑咸樂春臺可大赦  
三界應赦恩到日九幽罪人除十惡五逆不  
忠不孝誹謗大道毀壞經教者不赦外其餘  
雜犯以下已發覺未發覺已結證未結證已

官九

受苦未受苦已受報未受報不論輕重常赦  
所不原者咸赦除之

應冥吏陰曹有功高德重者與陞仙職以  
次進補陽官

應山川神祇係祀典不係祀典有功德及

生民者並與遷官推賞務令允當

應一切天仙道一切神明道一切人倫道  
一切地獄道一切餓鬼道一切畜生道若  
胎生卵生濕生化生並與解除宿對原釋  
前愆永離輪迴上生福境

應三途五苦謫役囚徒地水二司見禁罪  
爽並與原釋罪犯削落簡書出離冥途受  
生陽界

應玄壇所度亡過某人及某氏九玄七祖  
歷劫種親宜與和釋冤仇削除罪累證品

超度受化更生

應在世水火飄焚兵戈謀害寇盜殺戮蛇  
虎吞殘王法凌遲震雷噴擊木石墮損挺  
刃刑傷久抱飢寒曾遭鳩蠱覆車墜馬自  
縊投河他境流亡從軍傾斃鬼神拘繫冤  
對勾連疾患喪生胎產殞命盲聾跛啞癱  
瘓拳攣久滯幽鄉未得解脫並與蠲消宿  
債洗滌新愆超離苦輪往生善道

官九

二

應三生七世結為冤仇執對不釋並與齊  
同慈愛和釋牽纏各遂超生永消宿憾

應鐵圍無間硤石血湖囚繫產魂並與蕩  
除業垢和釋憎仇澄正形神獲生樂界  
應冥關幽路一切孤魂滯魄若有主若無  
主若凶終若善終士農工商文武醫卜男  
女老少民俗衣冠中國外夷九州四海沈  
淪既久超離無因並與洗除罪犯解散冤  
仇隨願往生逍遙自在

應赦書該載不盡事件所在長吏條錄奏  
聞

於戲除罪簿滅惡根庸廣昭天漏泉之澤離

鬼官出地戶允符登真度命之恩嘉與含生  
同歸至化赦書到日主者施行牒奉上帝敕  
請翻錄行下疾速遍牒所屬遵依帝敕各宜  
祇奉風火無停故牒

年 月 日 牒

官九

具法位

姓某承誥奉行

列

八

相

位

右玉清大赦常時不用惟黃籙壇用之以

大紙札之數幅大書前敕門下及三天門

下敕二敕字不可趁筆寫須控了待法師

錄敕副具奏三天門下及三省飛神上朝  
金闕激切奏告候得旨回歸然後法師用  
朱筆親填其敕門下用此敕字外用大可  
漏正面書謹法師銜姓某押承諾奉行封  
背面書泰玄都省牒九幽酆都主者億萬  
冥曹並大書與救苦簡同發

青玄寶敕

青玄黃錄用

青玄黃錄左府

牒九幽主者億萬冥曹

敕門下職履載天地之常運無窮時慘時  
舒陰陽之化機不息瞻羅酆之鬼域號鬱絕



之神鄉蠢蠢下愚每稟惡緣而報對巍巍上  
聖常矜善性以提攜崇九華雨露之恩息六  
洞雷霆之考蓋宣德澤普軫慈悲俾離幽暗  
之都均入光明之界今據法師銜奏為齋意  
伏候敕旨事牒奉青玄上帝敕宜頒鳳詔并

煥龍符開九地以逍遙拯群靈而快樂可曲  
赦三界應赦恩到日九幽罪人除在世十惡  
五逆不忠不孝誹謗大道毀壞經教者不赦  
其餘雜犯以下已發覺未發覺已結證未結  
證已受苦未受苦已受報未受報不論輕重

咸赦除之

應山林社稷神祇聰明正直功德及民者  
所在長吏條錄奏聞言功遷賞

諸北鄴東岱地水職司見禁囚考對一切  
罪魂宜與疾除罪簿焚毀寃書離苦登真

官九

四

超生陽界

諸三途五苦謫役囚徒八難幽關徧繫積  
爽宜與原釋過犯解蕩寃仇托化人天隨  
品受度

諸玄壇所度亡過某人及某氏九玄七祖

億劫種親宜與削除愆過解釋冤仇各遂  
升遷受生樂境

諸冥關幽路滯魄窮魂執迷沈淪未得解  
脫宜與開導正性啓發善心各俾托生毋  
自執著

諸傷亡死非正命陷沒幽途實可哀憫宜  
與罷散仇讎消除罪累身心清靜早得托  
生

諸在世微有片善長夜顛冥歲月既深未  
曾超度宜與考校料簡條錄關陳上名青

宮準備任使

諸血湖獄禁繫產魂宜與斷絕寬愆解釋  
執對潔清形質隨品受生

諸九州十道中國外夷凶終令終有主無  
主男女老少士農工商無執數眾久在冥

官九

五

關宜與和合寬親蠲消罪累普受開度時  
刻昇遷

諸赦書該載不盡事件所在長吏條陳以

同聞

於戲無拘留逼合之憂品類咸超於北府有

侍衛送迎之喜形魂徑上於南宮嘉與混輿  
同齟陶冶赦書到日主者施行牒奉青玄上  
帝敕請翻錄行下所屬遵依帝敕疾速奉行  
風火無停故牒

年 月 日

具法位

姓某承誥奉行

知青玄黃錄左府事

判青玄黃錄左府事

右青玄寶赦青玄救苦妙齋用之書寫格  
式如前得旨填敕亦如之只用此敕字可

漏前正面如前後背面大書青玄黃籙左  
府牒九幽主宰億萬冥曹與九龍符同發  
玉皇上帝徽號寶赦九天齋用

泰玄都省

牒九幽主宰億萬冥曹

敕門下天施地生仰乾坤之大造陽闔陰闔

符晝夜之常經故黑單司考對於推研而紫  
極沛慈仁於覃宥興言六趣莫慘九幽積夜  
迷烟鎖業機於夜壑重泉昏霧閉窻網於泉  
扃豈無悔過之心孰導求生之性靜惟沈滯  
實可矜憐今據法師銜奏為齋意伏候敕旨

事牒奉上帝敕所陳詞旨備切忱恟恭惟

玉皇上帝徽號名非常名上極无上聞之者

萬罪消滅得之者千冤解除仁泱混輿事彰

載籍隨赦頒降如帝親行蓋誕布於德音庸

煥敷於寶誥庶提苦趣均證樂鄉可大赦三

官九

六

界應今月某日建壇以前九幽罪人除十惡

五逆不忠不孝誹謗大道毀壞經教者不赦

所有雜犯以下已發覺未發覺已結證未結

證已受苦未受苦已受報未受報不論輕重

咸赦除之

效應山川神祇有功德及民者所在長吏條  
登陳奏聞言功遷賞又請未受職不論罪重  
所應冥吏陰曹無濫刑無僭賞者與陞仙職  
正以次進補陽官  
不應三途五苦見禁謫役地水二司囚繫罪  
爽並與蠲除宿犯解釋冤仇脫離幽途往  
生福境

應六道四生展轉報對無有窮已並與原  
宥愆過和釋冤讎俾出輪迴超登善界  
應玄壇所度亡故某人及某氏九玄七祖



億劫種親並與消解宿憾落滅惡根受化  
超生逍遙自在

應世傷亡死非正命沈魂滯魄久墮冥鄉  
並與削除過咎解釋冤憎隨品受生免輪

幽暗

官九

七

應血湖地獄諸類產魂並與蠲滌過犯蕩  
除冤仇母子分離形神超邁

應諸類幽魂曾經子孫薦拔未遂超升者  
並與引用日前所修功德無大小咸使升

遷毋滯陰域

應九州十道萬姓三軍士農工商男女老  
少有主無主凶終善終沈淪幽鄉久不受  
化者並與洗蕩冤枉散釋愆辜速令轉輪  
受生樂處

應赦書談載不盡事件所在長吏條錄奏

陳

於戲疾痛呼天尚期蠲於翳累齋戒事帝猶  
冀滌於愆瑕况赦書之敷諭周詳而寶誥之  
光明煒燁十華讚嘆三極皈依宜回幽路之  
春肆闢寒庭之旦下塞死戶上開生門凡爾

攸司各宜遵奉赦書到日主者施行牒奉上  
帝敕請翻錄行下所屬遵依帝敕風火無停  
故牒

年 月 日

具法位

姓某承誥奉行

列

八

相

位

右玉皇徽號寶赦九天生神齋用之書寫  
格式得旨填敕亦如前只用此敕字可漏  
背書泰玄都省牒九幽主宰億萬冥曹

太上濟度章赦卷下



